



### Pelajar FBMK pupuk warisan kebudayaan Selangor



**SERDANG, 11 Mei** – Pameran Malam Tradisi Sastera Rakyat (MTSR) kali ke-27 memupuk warisan kebudayaan Melayu Selangor dengan aktiviti menarik seperti persembahan silat, upacara mandi keris, serta pameran dan jualan kraftangan tradisional.

Dekan Fakulti Bahasa Moden dan Komunikasi (FBMK), Universiti Putra Malaysia (UPM), Prof. Madya Dr. Abdul Mua'ti @ Zamri Ahmad berkata penganjuran program itu adalah wajar bagi memperkukuhkan penghayatan terhadap budaya, seni dan warisan dalam kalangan generasi masa kini.

"Pameran yang dijalankan mencerminkan kehidupan sebenar generasi dahulu kala khususnya yang berkaitan dengan adat istiadat negeri Selangor.



"Saya percaya masih ramai yang tidak mengetahui warisan sebenar peninggalan generasi terdahulu.

Saya berharap pameran ini dimanfaatkan sepenuhnya oleh pengunjung," katanya pada perasmian program di Unit Kecemerlangan Warisan Bangsa, FBMK.



Pameran dari 11 hingga 21 Mei itu merupakan usaha pelajar kursus Kesusasteraan Rakyat Melayu dengan bimbingan pensyarah Jabatan Bahasa Melayu FBMK, Halimah Hassan.

**Berita ini disediakan oleh Muhamad Najkhan Mazlan 03-89466130 dan foto oleh Noor Azreen Awang 03-89466199**

---

Hak Cipta Terpelihara 2007  
Universiti Putra Malaysia